



La Musica Greina Vrin ha accompagnau solemmamein la processiun e divertiu la raspadà d'uront igl aperitiv sin piazza cadruvi.

FOTTE M. CASALZARI



Engraziament per lur engaschi en favur dalla pleiv: Pina e Rest Fidel Arpagaus-Furger ed Antonia Elvedi-Caduff (da sen.).

## Il Cor da Maria – fiasta da perdanonza a Cumbel

■ (mc) Dumengia ha l'antieriura pleiv caputschina da Cumbel che fa oz part dalla pleiv fusiunada da Lumnezia festiva sia perdanonza – il Cor da Maria. Era sche la participaziun ha pitu grondamein el decours dils davos onns ei la fiasta ecclesiastica tonaton vegnida festivada a moda digna e festiva, cun processiun e parada. El survetsch divin celebraus dil plevon sur Dirk Jasinski ed assistius dil plevon gidonter Albet Riederer ella baseglia paro-

chiala da s. Stefan e la processiun alla caplutta da Nossadunna entadem il vitg ei Nossadunna lu era stada el center dalla celebraziun. En sin priedi ha il plevon mess la mudestad e humilitonza, ina valur oz onz scarta – el center da sias ponderaziuns. Separticipada cun premura ei era la giuventegna cun parada e bandieras – sch'era numericamein reducida – e las giuvnas ch'han purtau la statua da Nossadunna ornada cun tshupi. In tshupi ha era fatg beinvegni als paro-

chians e hospis all'entrada dil santeri. In deletg tut aparti ei s'entelli la participaziun dalla Musica Greina Vrin stada. Sut la direziun da Corin Alig ha ella dau ton alla processiun tras il vitg sco cul concert d'uront igl aperitiv sin piazza cadruvi in rom propi festiv. Bien engraziament persuerter!

Suenter che la parada ha purschiu las salvias usitadas als plevons ed al pievel rimnau ha il president dalla pleiv fusiunada da Lumnezia (Cumbel, Surtau,

Lumbrein e Vrin). Alexander Casanova, engraziat a tut quels ch'ei s'engaschai per il beinreussir dalla fiasta da perdanonza. In engraziament special – cumpriu in pign schenghetg ed igl invit a gentar da fiasta – ha el adress ad Antonia Elvedi-Caduff, la calustra parenta dalla caplutta da Nossadunna ed antieriura suprastonta da pleiv ed als consorts Rest Fidel e Pina Arpagaus-Furger per lur meriteivel engaschi en favur dalla pleiv. A Rest Fidel sco antieriur e davos presi-

dent dalla pleiv da Cumbel ed actual secretari dalla pleiv fusiunada ed a sia dunnina Pina che ha schubergiatu las baseglis da Cumbel e Peiden e giu quitau per la decoraziun dallas fluras. El medem mument ei il parsura dalla pleiv era staus satisfats da comunicar che la pleiv hagi eligiù ils consorts Toni ed Irma Arpagaus-Cabatsar sco novs calusters per Cumbel e Peiden. Als parents bien engraziament ed als novis ina buna entschatta!